

Dit artikel is gesjreve (of begós) in 't Mestreechs. Laes hie wie v'r mit de versjillende saorte Limburgs ómgaon.

Inhawd

Nunavut
Noordwestterritoria
Quebec
Labrador

Fonologie
Grammair

Extern links

Dialekte/variante

Nunavut ("us land"), sinds 1999 'n oonaofhenkelek territorium, de groetste en ouch 't dunsbevolkte deelstaot vaan Canada, is etnisch vrij homogeen en weurt hiel euverwegend door Inuit bewoend. Bij de census vaan 2001 gaove 22.560 vaan de 26.745 inwoeners aon Inuit te zien. Haos allemaol spreke ze nog Inuit-dialekte;

dit kump dus neer op oongeveer 80% vaan de totaal bevolking. Aofgezeen vaan e paar groeter plaatse - de hoofstad Iqaluit is mèt 6000 inwoeners wiedoet de groetste - besteit 't territorium veural oet geïsoleerde dörpkens en naobersjappe, boe blaanke neet dèks koume.

In Nunavut weure de volgende (hoof-)dialekte gesproke (zuug ouch 't keertsje):

- 't Qikiqtaaluk uannangani (Noord-Baffins) op 't noorde vaan Baffin Island en e paar neerzèttinge die dao kortbij ligke.
- 't Qikiqtaaluk nigiani (Zuid-Baffins), op 't zuie vaan Baffin Island en daomèt ouch in Iqaluit. In de greujende Inuktitut-taolege media deent dit ummer mie es e standaard- of prestiesjdialek.
- Natsilingmiutut, in 't midde-noorde vaan 't territorium, in e gebeed wat bekind steit es Natsilik.
- Aivilimmiutut in Aivilik: Southampton Island en 't vasteland dao zjus westelek vaan.
- Kivallirmiutut in Kivalliq, mier in 't zuie vaan Nunavut.
- Inuinnaqtun in 't weste vaan Nunavut, oonder mier op Victoria Island. Dit dialek weurt vaanaajds neet in syllabesjrif meh in Latiense letters gesjreve. Vööl lui zeen 't es 'n apaarte taol; de regering vaan Nunavut erkint 't ouch apaart.

Noordwestterritoria

't Bereik vaan 't Inuinnaqtun löp door euver de res vaan Victoria Island en kump daomèt de Noordwestterritoria (Northwest Territories, of in 't Inuktitut *Nunatsiaq*, "sjoen land") binne. De Inuit oet de Noordwestterritoria, die geconcentreerd zien in 't noorde, neume ziech *Inuvialuit* en hun taol weurt Inuvialuktun geneump. Dat is evels geine correcte naam, umtot de politieke grenze vaan 't territorium gein taalgrenze zien. 't Inuinnaqtun weurt hei *Kangiryuarmiutun* geneump. Ander Inuit-dialekte zien Siglitun en Inupiatun (in Canada *Uummarmiutun* geheite), wat via Yukon tot in Alaska doorlöp. Zeker 't leste weurt neet mie es Inuktitut gezeen, meh es 'n ander taol.

Anders es in Nunavut zien de Inuit-dialekte in de Noordwestterritoria sterk bedreig. Binne de bevolkingsgroep vaan oongeveer 4.000 Inuit sprik nog 10 tot 20% de taol. De Inuit deile, wie gezag, neet werkelek ein gemeinsjappeleke taol en ze höbbe ziech vööl mèt ander bevolkingsgroepe vermingk. Allein in aofgelege klein gemeinsjappe in 't noorde ligk 't aondeil sprekers hoeger.

Quebec

Te zuie vaan de Hudsonbej weurt ouch Inuktitut gesproke. 't Noordelek deel vaan de provincie Quebec weurt *Nunavik* geneump, Inuktitut veur "leefgebeed". Negeteg percint vaan de bewoeners is vaan Inuit-aofkoms; vaan hun praot ouch negeteg percint nog Inuktitut. 't Dialek liekent vööl op 't Zuid-Baffins.

Labrador

Ouch in 't noorde vaan Labrador ligk 'n Inuit-territorium, mèt de naam Nunatsiavut ("us sjoen land"). 't Dialek wat hei endemisch is hèt Nunatsiavummiutut of Labradorimiutut. De sprekers zelf spreke vaan *Inuttut*. Dit dialek heet 'n ander sjrifstelsysteem es de ander Inuktitut-dialekte en versjèlt dao hiel dudelek vaan. Vendaog d'n daag is de beteikenis vaan dit dialek sterk aofgenome. Vaan de 4000 Inuit in Labrador spreke nog mer 550 'n Inuit-dialek.

Kinmerke

Fonologie

't Inuktitut heet, wie alle Inuit-variante, mer drei vocale: *a* (◁), *i* (Δ) en *u* (▷). Alledrei höbbe ze ouch 'ne lange variant: *aa* (◁◁), *ii* (ΔΔ) en *uu* (▷▷).

In verglieking mèt de ander inheimse taole in de Amerika's heet 't Inuktitut relatief wieneg consonante. Dao zien veer tenues (*p* ◁, *t* ◁, *k* ◁ en *q* ◁), ein media (*g* ◁), drei stumloes fricatieve (*h* ◁, *s* ◁ en *ʃ* ◁), einen echte stumloeze fricatief (*v* ◁), twee liquidae (*l* ◁ en *r* ◁), drei nasale (*m* ◁, *n* ◁ en *ng* ◁) en eine haafvocaal (*j* ◁). De *r* is uvulair, wie de Pariese of Mestreechse *r*. De *q* weurt mèt de huig gevörmp (uvulair). In de versjèllende dialekte weure vööl letters anders gerealiseerd. Zoe klink de *j* soms wie in 't Frans.

Alleen de *tenues* koume (in inheimse wäörd) frequent veur es indletter.

Grammair

Wie alle Eskimo-Aleoetische taole is 't Inuktitut hiel sterk agglutinerend en polysynthetisch. Zinne weure dèks mèt ein inkel laank woord oetgedrök. Dao zien hoonderde (in sommege dialekte wel 700) suffixe die de versjèllende betrekkinge tot veural wèrkwäörd aongeve. Zoe beteikent *tusaatsiarunnanngittualuujunga* "iech kin neet hiel good hure". Me moot demèt rekene tot de woordvörming zoe regelmaoteg is es ze mer kin zien: anders es in de Indogermaanse taole höbbe de achtervoogsels zelf nog beteikenis en versmelte ze neet mèt 't grondwoord tot 'n eenheid.

't Inuit is ouch 'n ergatief taol, dat wèlt zègke tot 't onderwerp vaan 'ne zin zoonder veurwerp en 't lijdend veurwerp in dezelfde naamval stoon. Dit kump euver de ganse wereld veur, beveurbeeld ouch in 't Baskisch.

Sjrifsysteem

Wie bove gezag gebruik neet eder regio en eder dialek 'tzelfde sjrifsysteem. De sjriftradities zien naomelek in veural de negentiende ieuw oontwikkeld door zendeling (protestantse missionaire), die veur hun biebels- en gebedevertaolinge nao eige goodvinde veur de ein of ander meneer vaan notatie koze. In de Noordwestterritoria, in Nunatsiavut en ouch veur 't Inuinnaqtun-dialek in Nunavut gebruik me 't Latiens alfabet, in de res vaan Nunavut en in Nunavik weurt 't Canadees syllabesjrif gebruik. Dit alfabet weurt dèks door de Inuit 't "Inuktitut-sjrif" geneump, meh 't gebruik dezelfde teikes die ouch gebruik weure bij 't sjrieve vaan ander inheimse taole in Canada, in 't bezoonder 't Cree. Dit sjrifsysteem is 'n abugida: dat wèlt zègke tot verwante klaankcombinaties mèt verwante teikes weure aongegeve, wie in de Indische sjrifte. 't Sjrif is a priori oontworpe en de teikes liekene neet op letters oet ander alfabette. De verhaajding vaan de teikes is hiel logisch; dit heet evels wel es naodeel tot de letters vööl opein liekene.

Δ Δ i	▷ ▷ u	◁ ◁ a	" h
Λ Λ pi	> > pu	< < pa	< p
∩ ∩ ti	⊃ ⊃ tu	⊂ ⊂ ta	< t
Ɔ Ɔ ki	ɖ ɖ ku	ɓ ɓ ka	ɓ k
ɾ ɾ gi	ɟ ɟ gu	ɬ ɬ ga	ɬ g
ɹ ɹ mi	ɻ ɻ mu	ɭ ɭ ma	ɭ m
σ σ ni	ɔ ɔ nu	ɑ ɑ na	ɑ n
ʃ ʃ si	ʒ ʒ su	ɥ ɥ sa	ɥ s
ɕ ɕ li	ɟ ɟ lu	ɕ ɕ la	ɕ l
ɟ ɟ ji	ɟ ɟ ju	ɟ ɟ ja	ɟ j
ɑ ɑ vi	ɔ ɔ vu	ɕ ɕ va	ɕ v
ɑ ɑ ri	ɟ ɟ ru	ɕ ɕ ra	ɕ r
ɕ ɕ qi	ɟ ɟ qu	ɟ ɟ qa	ɟ q
ɟ ɟ ngi	ɟ ɟ ngu	ɟ ɟ nga	ɟ ng
ɟ ɟ nngi	ɟ ɟ nngu	ɟ ɟ nnga	ɟ nng
ɕ ɕ ti	ɟ ɟ tu	ɕ ɕ ta	ɕ t

De Inuktitut-versie vaan 't Canadees abugida

't Höbbe vaan 'n eige sjrif lieverde de lui die Inuktitut wouwe sjrieve vööl probleme op. 't Kós neet op sjriefmesjiene weure geproduceerd en al hielemaol neet op teksverwèrkers. Tot veur kort gebruikde me in teksverwèrkingsprogramma's wie Microsoft Word apaarte lettertypes, zoetot me technisch Latiense letters typde meh Inuit-teikes te zeen kraog. Databases mèt Inuit-syllabesjrif kóste neet weure aongelag. Pas sinds e

paar jaor is 't Canadees abugida in Unicode opgenómme. Umtot de teikes gewoon los vaanein stoon kinne ze op alle besturingssysteme gebruik weure. De regering vaan Nunavut beit op häör website Inuktitut-lettertypes aon (zuug oonder).

Extern links

- Wikipedia in 't Inuktitut
- Inuit-letterteikes veur Unicode (<http://www.gov.nu.ca/Nunavut/English/font/>)

Aafkomstig van Wikipedia, de Vrije Encyclopedie. "<https://li.wikipedia.org/w/index.php?title=Inuktitut&oldid=426504>"

Dees pazjena is 't lèts veranderd op 14 mrt 2018, 12:44.

De teks is besjikbaar ónger de Creative Commons Naomsvermelding/Geliek Deile licentie. 't Is mäögelik dat aanvöllende veurwaarde van toepassing zeen. Betrach de Algemein veurwaarde veur mie informatie.